

Magistri Generalis, Priorum, Præceptorum, seu Commendatorum, fratrum, & Religiosorum prædictorum præsentium, & futurorum ubilibet consistentium ab omni superioritate, jurisdictione, & subiectione, & obedientia quoruncumque tam præsentium, quam futurorum Archiepiscoporum, Episcoporum, & aliorum quoruncumque ordinariarum locorum, in quibus Ordo, Religio, Monasteria, Domus, & loca, Magister Generalis, Priores, seu Commendatores, fratres, Religiosi, & eorum bona prædicta existant, siue pro tempore extiterint, auctoritate Apostolica tenore præsentium plenarie eximimus, & liberamus, & exemptos, exemptas, & exempta perpetuo esse decernimus, atque declaramus. Necnon illos, & illa, ac bona, & res huiusmodi Sedi Apostolicæ, & Romanæ Ecclesiæ immediatè subijcimus.

§. 3. Non obstantibus felicis recordationis Clementis Papæ Quinti prædecessoris nostri, & aliis Apostolicis, constitutionibus, necnon Monasteriorum, & Ordinis prædictorum juramento, confirmatione Apostolica, vel quavis alia firmitate roboratis statutis, & consuetudinibus, ceterisque contrariis quibuscumque.

§. 4. Nulli ergo omnino hominum liceat hanc paginam nostræ exemptionis, liberationis, constitutionis, declarationis, & subiectionis, infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

Dat. Romæ apud S. Petrum anno Incarnat. Dominicæ 1448. Quinto Idus Augusti, Pont. nostri anno 2.



CONST. VIII.

SIXTI IV.

Concedit Pontifex quinque, vel sex fratribus Ordinis B. Mariæ de Mercede Redemptionis Captivorum, & singulis eorum sociis, ut toties quoties pro ipsa Redemptione ad Infideles mittantur, & Captivi semel in vita, possint absolvi ab omnibus peccatis etiam Sedi Apostolicæ reservatis: Et omnibus prædictis in mortis articulo plenariam omnium peccatorum suorum remissionem, ac indulgentiam.

Edus An. D. 1478. S I X T V S E P I S C O P V S, Servus Servorum Dei: Ad perpetuam rei memoriam.

¶ Tunc Pastoralis officii debitum exercere censemus, dum Sacræ Religioni astrictarum, ac pro liberatione, & Redemptione Christi fidelium in miserabili captivitate, & servitute Saracenorum detentorum laborantium, pro tempore deputatarum personarum necnon fidelium eorundem animarum salutem procuramus.

§. 1. Cum itaque, sicut accepimus, dilecti filii Generalis & fratres Ordinis B. Mariæ de Mercede Captivorum, sub regula S. Aug. quem claræ memoriæ Jacobus Aragonum Rex fundavit, elemosynis à Christi fidelibus pia largitione acquisitis, fideles apud Saracenos eosdem in dicta captivitate, & servitute detentos, ne nomen Christi blasphement, & abnegent ipsius fidem, redimere consueverint; ac anno proximè præterito Centum octoginta Christianos apud Saracenos in servitute huiusmodi detentos præfatis elemosynis ab eadem servitute redemerint, & propriæ libertati restituerint.

§. 2. Nos cupientes animarum salutem Generalis, & fratrum dicti Ordinis; necnon per illos ad redimendum dictos Captivos ejusdem Ordinis fratrum, ac eorum sociorum pro tempore deputatorum, ac Captivorum huiusmodi consulere, auctoritate Apostolica tenore præsentium perpetuè statuimus, & ordinamus, ut Generalis, & fratres dicti Ordinis præsentis tantum; ac pro Redemptione huiusmodi quinque vel sex dumtaxat deputati, & pro tempore deputandi fratres, & singuli eorum socii; necnon Captivi præsentis, & futuri, quemcumque Presbyterum

Fratri huiusmodi Ordinis præsentis ab illis sociis, & sociis Sedi Apostolicæ, & Romanæ Ecclesiæ, ut supra in rubrica.

seculari, vel regularem in suam possint eligere confessorem, qui eorum confessione diligenter audita, eos & ipsorum quemlibet à quibusvis excessibus, delictis, criminibus, & peccatis per eos commissis, de quibus ore confitenti, & corde contriti fuerint, etiam si talis forent propter quæ Sedes Apostolica esset merito consulenda: scilicet Generalem, & fratres præsentis tantum, ac in captivitate detentum semel in vita dumtaxat; & deputatos, & pro tempore deputandos ad Redemptionem Captivorum, ac socios eorum huiusmodi toties quoties pro ipsa Redemptione ad ipsos Infideles mitterentur, absolvere, & penitentiam salutarem injungere; ac quæd ipsi omnibus in mortis articulo plenariam omnium peccatorum suorum remissionem, & indulgentiam, in sinceritate fidei, unitate Sacræ Romanæ Ecclesiæ, ac obedientia, & devotione nostra, vel successorum nostrorum Romanorum Pontificum canonice ipsantium consistentibus, dicta auctoritate largiri possint, & valeant.

§. 3. Non obstantibus constitutionibus, & ordinationibus, ac quibusvis aliis literis Apostolicis suspensionum, & revocatione plenariarum Indulgentiarum quarumcumque tam à nobis, quàm à fel. record. Calixto tertio, Pio secundo, & Paulo etiam secundo Romanis Pontificibus prædecessoribus nostris, cum quibusvis etiam derogatoriis derogatoriis, ac aliis fortioribus, & infolitis clausulis emanatis, & à nobis emanandis, quoruncumque tenorem existant; etiam si in illis expressè caveatur, quod eis nullatenus, aut nisi sub certis modis, & forma tunc expressis derogari possit, quarum vim & effectum ad præmissa non extendi debere decernimus, pariter & declaramus, ceterisque contrariis quibuscumque.

§. 4. Nulli ergo omnino hominum liceat hanc paginam nostræ ordinationis, constitutionis, declarationis, & statuti infringere, vel ei ausu temerario contraire. Si quis autem hoc attentare præsumpserit indignationem omnipotentis Dei, & Beatorum Petri & Pauli Apostolorum ejus se noverit incursum.

Dat. Romæ apud S. Petrum anno Incarnat. Dominicæ 1478. Septimo Kal. Novembris, Pont. nostri anno octavo.



CONST. IX.

LEONIS X.

Confirmat Pontifex privilegia Ordini B. Mariæ de Mercede Redemptionis Captivorum per diversos Summos Pontifices concessa, pluraque alia indulget. Necnon omnia, & singula gratias, privilegia, & indulta Mendicantibus Ordinibus, & eorum personis, ac locis ab Apostolica Sede concessa, concedit.

L E O E P I S C O P V S, S E R V V S Servorum Dei: Ad perpetuam rei memoriam.

¶ Dum grata Deo, & accepta hominibus charitatis opera, quæ dilecti filii fratres Ordinis B. Mariæ de Mercede Redemptionis Captivorum omni studio, quo nos modo deductis in Urbem septuaginta utriusque sexus Christi fidelium per dictos fratres nuper ab impia Saracenorum servitute non parvo pretio redemptis oculata fide perspeximus, exercere non desinunt, animo volumus, dudum quam necessaria sit huiusmodi Redemptio ad obviandum periculis animarum, quas tam dura servitus premit; mente completimur, ea dicto Ordini, & de eo ad dictam Redemptionis opus bene merentibus personis libenter concedimus, per quæ divinum hoc pietatis officium erga Christi pauperes propensius in dies valeant exercere. Et ea, quæ propterea à Prædecessoribus nostris pia consideratione concessa fuisse dignoscuntur, ut eo firmius inconcussa persistant, quo fuerint crebrius Apostolico circumfusa præsidio, dudum à nobis petitur, nostrarum approbationis, & innovationis munimine roboramus.

§. 1. Dudum siquidem sol. record. Nicolaus Papa Quartus prædecessor noster animabus defunctorum, qui in sinceritate fidei, ac unitate, & obedientia S.R.E. & sua, suorumque prædecessorum Romanorum Pontificum, contritione, & confessione integra, si tempus adforet, & confitendi stentia, ab hac luce migrassent: Et pro quibusdam potentibus Aragonie, vel ipsorum æquivalentibus præfate Redemptionis opus dicti Ordinis fratribus erogarentur, omnem poenam, quam post corruptæ decem annorum suorum expiatione peccatorum pari deberent, per modum suffragii misericorditer in Domino relaxavit. Et in memoria ipsius, Papa Secundus etiam prædecessor noster, postquam revolenda memorie Bonifacii, Gregorii, Alexandri, & Clementis, & Gregorii, & Eugenii, & Calixti prædecessorum Romanorum Pontificum similiter prædecessor noster, Generali Magistro, & fratribus dicti Ordinis suas litteras concessit, monitiones, relaxationes, concessiones, & alia multa continentem, quas, & in eis contenta, postmodum Sanctæ commemorationis Sixtus, Papa Quartus prædecessor quoque noster per suas litteras cum literis Bonifacii, Alexandri, Clementis, Gregorii, Martini, Eugenii, & Calixti prædecessorum huiusmodi de verbo ad verbum refertur approbasse (& nonnulla alia de novo concesserat) litteras Sixti, & aliorum prædecessorum huiusmodi, quatenus essent in usu, auctoritate Apostolica approbavit, illasque perpetuæ firmitatis robur obtinere decrevit, ac pro potiori cautela, omnia & singula in dictorum Prædecessorum litteris contenta, eisdem Generali Magistro, & fratribus de novo concessit.

§. 2. Ac quod Confessor sæcularis, vel regularis, quem Confraternitatis ejusdem Beatæ Mariæ canonicè institutæ utriusque sexus Confratres pro tempore existentes, & eorum quilibet, cujuscumque dignitatis, gradus, Ordinis, & conditionis forent, ducerent eligendum, ipsos ab omnibus, & singulis eorum excessibus, peccatis, criminibus & delictis, etiam Sedi Apostolicæ reservatis casibus semel in vita, in aliis vero semel singulis annis, quemadmodum Confratribus Confraternitatis Ordinis Sanctiss. Trinitatis ab eadem erat Sede concessam, absolvere, eisque pro commissis poenitentiam salutarem injungere possit.

§. 3. Et si ipsos Confratres Confraternitatis B. Mariæ ad loca Ecclesiastico interdico auctoritate ordinaria supposita declinare contigerit, cum tamen ipsi causam non dedissent, & quod in eos specialiter non emanasset, in illis clavis januis, excommunicatis, & interdictis exclusis, non pulsatis campanis, & submissa voce Missis, & aliis divinis officiis interesse, ac qui ex dictis Confratribus Confraternitatis B. Mariæ presbyteri forent, eas celebrare, necnon eorundem Confratrum tempore interdici huiusmodi decedentium cadavera, absque alia pompa solemnè, Ecclesiasticæ sepulturæ tradere liberè, & licitè valeret.

§. 4. Quodque si Confratres Confraternitatis B. Mariæ tempore ingressus eorum conjugati forent, solutis per virum, & uxorem triginta, & deinde annuatim septem denariis monetæ Jacensis, tam vir, quam uxor Confratres dictæ Confraternitatis B. Mariæ essent, ac omnibus, & singulis concessionibus, indulgentiis, & remissionibus supradictis gaudere censerentur. Vel si iidem, & alii fideles præfati eandem Confraternitatem B. Mariæ pro tempore ingredientibus, in eorum ingressu tres solidos cum dimidio dictæ monetæ, sive 42. denarios similes, sive aliam æquivalentem monetam solvere mallent, ad dictorum septem denariorum, vel aliquam aliam solutionem, ratione Confraternitatis huiusmodi faciendam obligati ulterius non essent, perpetuè statuit, & ordinavit.

§. 5. Et ut eisdem Ordini, & fratribus B. Mariæ uberiora provenirent subsidia, de Omnipotentis Dei misericordia, & beatorum Petri, & Pauli Apostolorum ejus auctoritate confisi, Universis, ac singulis utriusque sexus Christi fidelibus verè consentientibus, seu poenitentibus, & confessis, qui aliquam Ecclesiam domorum dicti Ordinis B. Mariæ in Nativitatis, & Resurre-

ctionis Domini nostri Jesu Christi, ac Pentecostes, necnon omnibus, & singulis ejusdem B. Mariæ totius anni festivitibus, à primis vespere usque ad occasum solis dictarum festivitatum, ac in omnibus diebus Dominicis Quadragesimæ devotè visitarent, & inibi manus portigerent adjutrices, pro singulis festivitibus, & diebus prædictis, quibus id facerent, decem annos, & totidem quadragenas.

§. 6. Qui tempore, quo dicti Captivi, postquam redempti forent, per diversa loca, ad misericordiam Domini propalendam, sub ejus Crucis vexillo publicè deducuntur, triginta denarios similes ipsis fratribus Redemptoribus erogarent, triginta annos, & totidem quadragenas de injunctis poenitentis in Domino relaxavit.

§. 7. Et insuper, ut Generalis Magister, & fratres prædicti, ac eorum quilibet omnibus, & singulis gratis, concessionibus, indulgentiis, & remissionibus, quibus Confratres B. Mariæ pro tempore existentes, ac illam ingredientibus, & Ecclesias visitantes, ac manus adjutrices portigentes, ceterique benefactores huiusmodi utebantur, & gaudebant, ac uti, & gaudere possint quomodolibet in futurum, uterentur, & gauderent, indulget.

§. 8. Necnon eidem pro tempore existenti Magistro, & ad id de ipsius expresso consensu pro tempore deputatis fratribus, quæcumque legata ad Redemptionem Captivorum huiusmodi pro tempore facta à quibusvis personis, & locis in Hispania, & Regis Hispaniæ toto dominio exigendi, & recipiendi plenam, & liberam facultatem concessit, prout in dictis Julii prædecessoris de super confectis literis plenè continetur.

§. 9. Et sicut exhibita nobis nuper pro parte dictorum filiorum moderni Generalis Magistri, & qui dictos septuaginta Captivos redemptos in Urbem duxerunt, Joannis Lupi Olcenis, Magistri in Theologia, & Arnaldi de Duca Tolosaniensis dicti Ordinis B. Mariæ domorum Præceptorum petitio continebat, plura, & diversa alia immunitates, exemptiones, privilegia, indulta, remissiones peccatorum, & alia gratia spirituales, & temporales Ordini B. Mariæ huiusmodi, & illius fratribus, & benefactoribus, ac locis per eosdem, & alios Romanos Pontifices, etiam Prædecessores nostros, & dictæ Sedis Legatos concessa fuerunt. Quare pro parte dictorum Generalis Magistri, ac Joannis, & Arnaldi nobis fuit humiliter supplicatum, ut singulis literis, privilegiis, & immunitatibus, exemptionibus, ceterisque indultis, & gratiis prædictis, pro illorum subsistentia firmiori, nostræ approbationis, & innovationis robur adjiceret. Et ut Christi fideles, crescentibus in dies Infidelium terra, marique potentia, & fidelium in servitutum suam rapina, & præda, sua ad Redemptionis huiusmodi suffragia eo largius exhibeant, quo majora exinde conspexerint præmia assequuturos, dicti Ordinis B. Mariæ & illius personis, & locis, ac benefactoribus eadem, & alia, quæ ad exequendum tam necessarium charitatis officium esse viderimus opportuna, de novo concedere, aliaque in præmissis opportunè providere de benignitate Apostolica dignaremur.

§. 10. Nos igitur prædictum modernum Generalem Magistrum, ac Joannem, & Arnaldum, & eorum quemlibet à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à Jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, singulorum privilegiorum, gratiarum, & indultorum spiritualium, & temporalium, tam B. Mariæ, quam Mendicantibus Ordinibus, illorumque personis, & locis concessorum, huiusmodi tenores ac si de verbo ad verbum infererentur præsentibus pro sufficienter expressis habentes, huiusmodi supplicationibus inclinati, ex certa nostra scientia, auctoritate Apostolica tenore præsentium huiusmodi litteras, necnon immunitates, exemptiones, privilegia, indulta, & alias gratias dicto Ordini B. Mariæ, & illius Confratribus, locis,

deducuntur Captivos redemptos per diversa loca

Generalis Mag. & alii possunt à Pontifice quatenus approbat, & innovat prædicta privilegia.

Præter prædicti prælegati recipiendi.

Generalis Mag. & alii possunt à Pontifice quatenus approbat, & innovat prædicta privilegia.

Omnia prædicta hic Sanctiss. Pontificis approbat, & de novo confirmat.

& personis de illo benemeritis concessa hujusmodi, quatenus sint in ipsa approbamus, & innovamus, ac presentis scripti patrocinio communimus, & eidem Ordini B. Mariæ, & eius fratribus, locis, & benefactoribus illa de novo concedimus.

*Si mandati-
rium Ordini
privilegia su-
peraddis.*

§. 11. Necnon omnia, & singula gratias, privilegia, & indulta dictis Mendicantibus Ordinibus, & eorum personis & locis per Sedem prædictam concessa concedimus. Et volumus, quod dicta relaxatio penarum Purgatorii animabus defunctorum, pro quibus dicti duo floreni erogantur, per Nicolaum prædecessorem, ut præfertur, concessa, eisdem animabus, aliis juxta ipsius Nicolai prædecessoris literas qualificatis, etiam pro quarum singulis non nisi unum florenum simile ad dictæ Redemptionis opus erogari contigerit, suffragentur.

*Necnon in-
dulgencias
visitantibus
Ecclesiis
concedi so-
luerunt.*

§. 12. Et statuimus insuper, & ordinamus, quod dicti Ordinis B. Mariæ fratres, quadragesimalibus, & aliis anni temporibus & diebus, quibus nonnullæ Urbis, & extra illius muros consistentes Ecclesiæ pro stationibus consequendis à Christi fidelibus visitantur, unum, vel duo altaria in Ecclesiis domorum dicti Ordinis B. Mariæ sita devotè visitando, omnes, & singulas indulgentias, & peccatorum remissiones consequantur, quas consequerentur, si singulas Urbis, & extra ejus muros existentes Ecclesiæ prædictas personaliter visitarent. Et sint participes omnium, & singulorum sacrificiorum, jejuniorum, peregrinationum, etiam ultra mare, & aliorum operum, quæ nunc, & pro tempore in sacrosancta universali Ecclesia, & omnibus ejus membris fient.

*Indulgencia
pro utroque
sexu Christi
fidelium, qui
30 denarios
ad opus Re-
demptionis
erogaverint.*

§. 13. Et quod singuli utriusque sexus Christi fideles in Civitatibus, & diocesis, in quibus dicti Ordinis B. Mariæ aliqua domus constitit, viro, & uxore pro una persona computatis, qui ejusdem Ordinis fratribus ad hoc pro tempore deputatis singulos triginta denarios monetæ ibidem cursum habentis, seu eorum valorem pro Redemptione hujusmodi erogaverint, ultra alias gratias, & indulta benefactoribus ipsius Ordinis B. Mariæ dicta autoritate Apostolica concessa, quoad vixerint, semel in vita, & in mortis articulo plenariam omnium peccatorum suorum, de quibus corde contriti, & ore confessi fuerint, indulgentiam, & remissionem consequantur.

*Pecunia ad
opus redem-
ptionis oblata,
qua ratione
conferuntur de-
betur.*

§. 14. Et quævis pecuniarum summa, aut res aliqua pro Redemptione alicujus personæ specificè pro tempore oblata, & per dictos fratres Ordinis B. Mariæ accepta, in Redemptionem ejusdem personæ, alia verò elemosinæ, & pia suffragia à Christi fidelibus pro Redemptione captivorum in genere pro tempore erogata, & proventuum partes, quæ à singulis dicti Ordinis B. Mariæ domibus, seu earum Præceptoribus ad Redemptionem eandem assignantur, in ipsum Redemptionis opus dumtaxat exponi fideliter debeant, & in nulla alia pietatis opera valeant commutari. Eaque omnia in arcam ad hoc per dictum generalem Magistrum specialiter deputandam, & sub quatuor clavibus apud quatuor ex primoribus ejusdem Ordinis B. Mariæ fratribus deponendis, ad custodiam congerantur, ac conserventur.

*Generalis ut
de prædictis
penam possit
deservire.*

§. 15. Licet autem dicto Generali Magistro, qui pro tempore fuerit, de tertia solum parte pecuniarum & rerum pro Redemptione hujusmodi in genere congestarum, in suarum, & ipsius Ordinis B. Mariæ domorum pauperum, & eorum qui in hoc sancto opere versabuntur, & se exercebunt, ingruentium pro tempore necessitatum subsidium disponere.

*Pontifex sub
mentem circa
hujusmodi le-
gata & dona-
tiones declarat.*

§. 16. Declaramus etiam scientia, & Apostolica auctoritate similibus, quæcumque ad Redemptionem hujusmodi pro tempore legata, relicta, & donata, sub quibusvis rerum ad pias causas relictarum, vel donatarum applicationibus, etiam in favorem fabricæ Principis Apostolorum de Urbe, vel subsidium expeditionis contra Infideles, etiam in specie de bonis ad eandem Redemptionem pertinentibus, per nos, & Sedem prædictam factis, & faciendis nequaquam comprehendi, sed esse ab illis perpetuis futuris temporibus prorsus excepta.

*Prædictis d.
Ordinis factis*

§. 17. Demum dictis fratribus Ordinis B. Mariæ, &

Commissariis ab eis super negotio Redemptionis hujusmodi pro tempore deputatis indulgentias, & peccatorum remissiones, ceteraque privilegia & indulta ipsius, & aliorum Christi fidelibus, eorumque suffragia ad præmissa exhibendis pro tempore concessa, ubi, quando & quoties eis opportunum videbitur, per se, vel alium, seu alios in Ecclesiis, & aliis locis, etiam solemniter publicandi, & publicè faciendi plenam, & liberam licentiam largimur.

§. 18. Præcipimus tamen dictis universis, & singulis venerabilibus fratribus, videlicet Archiepiscopis, Episcopis, & aliis quorum ordinibus in virtute hujusmodi oblationis, & sub indultis, & aliis hujusmodi sententiarum, & ipsi factis, quibus non conveniant, & in contrarium de dicti Ordinis B. Mariæ fratribus, & locis, & ab eis etiam ad prædicta, & publicè faciendi hujusmodi opus pro tempore deputatis, & aliis de quibus supra per præmissa directè, vel indirectè quovis colore impediant, inquietent, vel perturbent.


§. 19. Nec ab eis ratione singularium literarum, quæ ipsi pro publicationibus hujusmodi in eorum Ecclesiis, civitatibus, & diocesis, seu districtibus commodè faciendis concedere solent, ultra quinque florenos similes pro eis, eorumque secretariis, & notariis, & aliis ministris accipiant.

§. 20. Decernentes presentes literas quibusvis revocationibus, suspensionibus, aut aliis contrariis dispositionibus, per nos, & Sedem eandem pro tempore factis nullatenus subjacere: Non obstantibus Apostolicis, ac in Provincialibus, & Synodalibus Conciliis editis generalibus vel specialibus constitutionibus, & ordinationibus, ac omnibus illis, quæ Nicolaus, Sixtus, & Julius prædecessores prædicti in singulis suis literis prædictis voluerunt non obstare, ceterisque contrariis quibuscumque.

§. 21. Ceterum quia difficile foret presentes literas ad singula quæque loca, ubi earum usus ad præmissa necessarius foret, originaliter posse transferri, volumus & eadem Apostolica auctoritate etiam decernimus, quod ipsarum præsentium transumpto publici Notarii subscriptione, & alicujus Curie Ecclesiasticæ, vel personæ in dignitate Ecclesiastica constitutæ sigilli impressione munito ea ubique fides adhibeatur indubia, quæ præsentibus adhiberetur, ubicumque essent exhibitæ, vel ostensæ.

§. 22. Nulli ergo omnino hominum liceat hanc paginam nostræ absolutionis, approbationis, innovationis, communicationis, concessionis, declarationis, voluntatis, & decreti infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

Dat. Romæ apud S. Petrum, anno Incarnationis Dominicæ 1516. quinto Kalend. Aug. Pontificatus nostri anno 4.



CONST. X.
CLEMENTIS VII.

Confirmat Pontifex omnes gratias Ordini B. Mariæ de Mercede Redemptionis captivorum à Prædecessoribus suis concessas, ac plura alia Magistro Generali prædicti Ordinis de novo concedit. Præcipitque Notariis, & executoribus testamentorum, quatenus quilibet eorum respectivè copiam de relictis pro hujusmodi Redemptione exhibere, & summam cum effectu solvere dicto Ordini teneatur. Quodque publicatio Indulgentiarum fieri possit etiam in locis, in quibus nulla Domus prædicti Ordinis existit.

CLEMENS